



可  
書

中庸經集註

高五頁  
五卷  
二

仁德  
2197  
2



禹貢一篇不唯篇章秩然有法下字亦皆不苟元白楚  
澁淵靜詰曰禹導水有言至者有言過者有言會者以二水  
勢鈞而相入謂之會如江會于匯濟會于汶之類以大水合  
小水謂之過如河過洛納過洛水之類凡言會言過者水也  
其言至者皆山澤名也若河至魏門至華陰至底柱皆山名  
也河至孟津則地名也河至大陸濟至于河皆澤名也至于  
澧至于東陵又陵名也

禹貢首云禹敷土隨山刊木奠高山大川此二句通篇之綱冀州  
以下九段是敷土之目也導山一段是奠高山之目也導水八段  
是奠大川之目也九州攸同一段是總叙五服一段是補叙章法  
秩然一絲不乱  
王文柏曰堯典之後當次禹貢之書文勢開闔法度森嚴  
一句之中各有紀律一篇之內綱領粲然堯典是叙舜代之  
始終禹貢是叙禹一事之始終

△音釋云帝王世紀云禹受封于河南陽翟來滌鄭氏云禹封陝州夏懸未知孰是  
九州 冀揚荆豫梁雍雍交青徐

○千百年眼云禹貢一書作於虞夏之際乃千百年談地理者卒莫能外也云云吁禹貢之書不過數千言耳古今言地理之牴牾莫不於此取質焉後此者其可舍之而不為依據乎  
管見去歲上者蓋難以上湮水禹遂敷分而疏導之然後隨山刊木以治水之發源既乃定高山大川以分別州域若云敷土而分別九州則當以奠高山大川居隨山刊木之上今次序不然故知曰說未當

書經卷之二

蔡沉集傳

夏書 夏禹有天下之號也書凡四篇禹貢作於虞時而繫之夏書者禹之王以是功也

禹貢 上之所取謂之賦下之所供謂之貢是篇有貢有賦而獨以貢名篇者孟子曰夏后氏五十而貢貢者較數歲之中以為常則貢又夏后氏田賦之總名也



禹敷土隨山刊木奠高山大川 敷分也分別州也奠定也定高山大川以別州境也若兗之濟河青之海岱揚之淮海雍之黑水西河

○音釋云星土之法  
周禮保章氏以星土  
辨九州之地所封註  
云星土星所主土也  
星紀吳越玄枵齊姬  
管衛降婁魯太梁趙  
實沉晉鶉首秦鶉火  
周鶉尾楚壽星鄭大  
火宋析木燕詳見漢  
晉天文志九野淮南  
子天文訓云天有九  
野高誘註九天之野  
也其說以中央八方  
九天分二十八宿配  
諸國分野與前說畧  
同冀堯所都也

荆之荆衡徐之海岱淮豫之荆河梁之華陽  
黑水是也方洪水橫流不辨區域禹分九州  
之地隨山之勢相其便宜斬木通道以治之  
又定其山之高者與其川之大者以為之紀  
綱此三者禹治水之要故作書者首述之○  
會氏曰禹別九州非用其私智天文地理區  
域各定故星土之法則有九野而在地者必  
有高山大川為之限隔風氣為之不通民生  
其間亦各異俗故禹因高山大川之所限者  
別為九州又定其山之高峻水之深大者為  
其州之鎮秩其祭  
而使其國主之也  
△冀州冀州帝都之地三面距河兗河之西  
曰冀州是也入州皆言疆界而冀不言者以  
餘州所至可見晁氏曰亦所以尊京師示王

△音釋云漢地志前  
漢書地理志也後九  
言地志者並同

者無外之意

既載壺口

經始治之謂之載壺口山名漢地

吉鄉縣也○今按既載云者冀州帝都之地  
禹受命治水所始在所當先經始壺口等處  
以殺河勢故曰既載然禹治水之功之序則  
皆自下流始故次兗次青次徐次揚次荆次  
豫次梁次雍兗最下故所先雍最高故獨後  
禹言予決九川距四海濬畎澮距川即其用  
工之本末先決九川之水以距海則水之大  
者有所歸又濬畎澮以距川則水之小者有  
所泄皆自下流以疏殺其勢讀禹  
貢之書求禹功之序當於此詳之

△治梁及岐

梁岐皆冀州山梁山呂梁山也  
在今石州離石縣東北爾雅云

△音釋云漢地志前  
漢書地理志也後九  
言地志者並同

△音釋云酈道元字善長後魏人註桑欽水經

梁山晉望即冀州呂梁也呂不韋曰龍門未關呂梁未鑿河出孟門之上又春秋梁山崩左氏穀梁皆以為晉山則亦指呂梁矣酈道元謂呂梁之石崇疎河流激盪震動天地此禹既事壺口乃即治梁也岐山在今汾州介休縣孤岐之山勝水所出東北流注于汾酈道元云後魏於胡岐置六壁防離石諸胡因為太鎮今六壁城在勝水之側實古河逕之險阨二山河水所經治之所以開河道也先儒以為雍州梁岐者非是

△既修太原至于岳陽修因鯨之功而修之路太原府也岳太岳也周職方冀州其山鎮曰霍山地志謂霍太山即太岳在河東郡堯縣東今晉州霍邑也山南曰陽即今岳陽縣地也堯之所都揚子雲冀州箴曰岳陽是都

是也蓋汾水出於太原經於太岳東入于河此則導汾水也

△覃懷底績至于衡漳覃懷地名地志河內郡有懷縣今懷州也

會氏曰覃懷平地也當在孟津之東太行之西涑水出平其西淇水出平其東方洪水懷山襄陵之時而平地致功為難故曰底績衡漳水名衡古橫字地志漳水二一出上黨清縣大閼谷今平定軍樂平縣少山也名為清漳一出上黨長子縣鹿谷山今潞州長子縣發鳩山也名為濁漳酈道元謂之衡水又謂之橫水東至鄴合清漳東北至阜城入北河鄴今潞州涉縣也阜城今定遠軍東光縣也○又按桑欽云二漳異源而下流相合同歸于海唐人亦言漳水能獨達于海請以為瀆而不云入河者蓋禹之導河自洛水大陸至

○音釋云桑欽漢江南人著水經

○定王周二十二代  
主名瑜匡王翁在位  
二十一年

碣石入于海本隨西山下東北去周定王五  
年河徙碣石則漸遷而東漢初漳猶入河其  
後河徙日東而取漳水益遠至欽時河自大  
徙而下已非故道而漳自入海矣故欽與唐  
人所言者如此

△厥土惟白壤 漢孔氏曰無塊曰壤顏氏曰  
徒辨十有二壤之物而知其種以教稼穡樹  
藝以土均之法辨五物九等制天下之地征  
則夫教民樹藝與因地制貢固不可不先於  
辨土也然辨土之宜有二白以辨其色壤以  
辨其性也蓋草人糞壤之法駢剛用牛赤緹  
用羊墳壤用麋渴澤用鹿糞治田疇各因色  
性而辨其所當用也會氏曰冀州之土豈  
皆白壤云然者土會之法從其多者論也

△音釋云十二壤周  
禮註十二土分野十  
二邦上繫十二次各  
有所宜也上均周禮  
註均平也五物五地  
之物也謂山林川澤  
丘陵墳衍原隰九等  
謂駢剛赤緹墳壤渴  
澤鹹濕勃壤墳壤強  
壤輕壤也壤以辨其  
性陳氏曰白言色壤言質後倣此草人周禮草人掌土化之法註云化之使美也駢剛赤  
土剛強也赤緹線色也墳潤解也渴澤故水處也強壤強堅也輕壤輕脆也用謂糞其骨  
汙以漬種也土會以土會計貢賦之法見周禮大司徒○周禮大司徒云以土會之法辨

五地之物

賦諸侯以供其國用者貢諸侯以職天子者賦有上中下田有上中下地廣者  
賦高狹者賦卑冀州之賦土上錯上田出第一等下田出第二等也

△厥賦惟上上錯厥田惟中中

錯雜也賦第一等而錯出第二等也田第五  
等也賦高於田四等者地廣而人稠也林氏  
曰冀州先賦後田者冀王畿之地天子所自  
治併與場圃園田漆林之類而征之如周官  
載師所載賦非盡出於田也故以賦屬於厥  
土之下餘州皆田之賦也故先田而後賦又  
按九州九等之賦皆每州歲入總數以九州  
多寡相較而為九等非以是等田而責其出  
是等賦也冀獨不言貢篚者冀禾  
子封內之地無所事於貢篚也

△恒衛既從大陸既作

恒水名恒水地  
縣恒山北谷在今定州曲陽縣西北恒山也  
東入滹水薛氏曰東流合滹水至瀛州高陽

管見云九州田賦止是米  
穀非必兵車觀甸服百  
里賦納總至四百里粟  
五百里米可見蓋貢者土  
之所宜賦者田之所出  
九州之賦必皆歲輸京師  
然後可比較其多寡若  
諸侯各私所有則朝廷  
△載師見周禮地官  
司徒  
安得而知其總入之數  
邪文王為方伯而廢邦  
惟正之供則所謂萬民  
惟正之供者必非止於畿  
內也

○孫炎字子然後漢末人註爾雅

○旁通云此西山指太行山也迨北連綿直至趙州以上接恒山皆在河北之西其地常高於河

○班固著漢書司馬遷著史記王橫字平仲琅邪人漢太司空掾

○旁通云具州今改恩州為廣平路支那冀州為真定路支那

縣入易水晁氏曰今之恒水西南流至真定府行唐縣東流入于滋水又南流入于衡水非古逕矣衛水地志出常山郡靈壽縣東北即今真定府靈壽縣也東入滹沱河蘇氏曰東北合滹沱河過信安軍入易水從從其道也大陸孫炎曰鉅鹿北廣阿澤河所經也程氏曰鉅鹿去古河絕遠河未嘗逕邢以行鉅鹿之廣河非是按爾雅高平曰陸大陸云者四無山阜曠然平地蓋禹河自澶相以北皆行西山之麓故班馬王橫皆謂載之高地則古河之在具冀以及枯澤之南率皆穿西山踵趾以行及其已過信澤之北則西山勢斷曠然四平蓋以此地謂之大陸乃與下文比至大陸者合故隋改趙之昭慶以為大陸縣唐又割鹿城置陸渾縣皆疑鉅鹿之大陸不與河應而亦求之向北之地杜佑李吉甫以

為邢趙深三州為大陸者得之作者言可耕治水患既息而平地之廣衍者亦可耕治也恒衛水小而地遠大陸地平而近河故其成功於田賦之後

△島夷皮服 海曲曰島海島之夷以皮服來貢也

△夾右碣石入于河 碣石地志在北平郡驪城縣西南河口之地今

平州之南也冀州北方貢賦之來自北海入河南向西轉而碣石在其右轉屈之間故曰夾右也程氏曰冀為帝都東西西南三面距河他州貢賦皆以達河為至故此三方亦不必書而其北境則漢遼東西右北平漁陽上谷之地其水如遼濡滹易皆中高不與河通故必自北海然後能達河也又按酈道元言驪城枕海有石如甬道數十里當山頂有大石

△音釋云遼濡滹易四水名漢志遼水出玄菟郡高句驪縣遼山經遼東郡望平縣至安市縣入海濡水自遼西郡肥如縣南

入海濬沱河出代郡  
國城東至文安入海  
易水出中山國新城  
縣西北東流入滏

如柱形韋昭以為碣石其山昔在河口海濱  
故以誌其入貢河道歷世既久為水所漸淪  
入于海已去岸五百餘里矣戰國策以碣石  
在常山郡九門縣者恐名偶同而鄭氏以為  
九門無此山也

△濟河惟兗州

兗州之域東南據濟西北距  
河濟河見導水蘇氏曰洶濟  
之間相去不遠兗州之境東南跨濟非止於  
濟也愚謂河昔北流兗州之境北盡碣石河  
右之地後碣石之地淪入於海河益徙而南  
濟河之間始相去不遠蘇氏之說未必然也  
○林氏曰濟古文作洧說文註云此兗州之  
濟也其從水從齊者說文註云出常山房子  
縣贊皇山則此二字音  
同義異當以古文為正

△音釋云說文云沅  
水出王屋東為沅入  
海以水名州贊皇山  
按牟氏云濟水出贊  
皇山者入沅非四瀆之水

△九河既道

九河爾雅一曰徒駭二曰太史  
三曰馬頰四曰覆鬴五曰胡蘇  
六曰簡潔七曰鈎盤八曰鬲津其一則河之  
經流也先儒不知河之經流遂分簡潔為一  
既道者既順其道也按徒駭河地志云滹沱  
河寰宇記云在滄州清池南許商云在平城  
馬頰河元和志在德州安德平原南東寰宇  
記云在棣州滴河北輿地記云即篤馬河也  
覆鬴河通典云在德州安德胡蘇河寰宇記  
云在滄之饒安無棣臨津三縣許商云在東  
光簡潔河輿地記云在臨津鈎盤河寰宇記  
云在樂陵東南從德州平昌來輿地記云在  
樂陵鬲津河寰宇記云在樂陵東西北流入  
饒安許商云在鬲縣輿地記云在無棣大史  
河不知所在自漢以來講求九河者甚詳漢  
世近古止得其三唐人集累世積傳之語遂

△音釋云南音備爾  
雅註可備以為津也  
漢志鬲縣之南音備  
許商漢成帝時河堤  
都尉歐陽忞廬陵人  
宋徽宗時撰輿地廣  
記樂史字子正臨川

八宋初撰家字記

○旁通云爾雅註疏云鄭玄曰周時齊桓公塞之同為一河今河間耳高以東至平原南津往往有其遺處春秋緯實乾圖云移河為界在齊且填關不流以自廣鄭玄蓋據此文謂齊桓公塞之故蔡氏以為無稽也

○孟子告子下篇云五命曰無曲防 註云不得曲為隄防壅泉激水以專水利也

得其六歐陽志輿地記又得其一或新河而載以舊名或一地而互為兩說要之皆似是而非無所依據至其顯然謬誤者則班固以滹沱為徒駭而不知滹沱不與古河相涉樂史馬頰乃以漢篤馬河當之鄭氏求之不得又以為九河齊桓塞其八流以自廣夫曲防齊之所禁塞河宜非桓公之所為也河水可塞而河道果能盡平乎皆無稽考之言也惟程氏以為九河之地已淪於海引碣石為九河之證以謂今滄州之地北與平州接壤相去五百餘里禹之九河當在其地後為海水淪沒故其迹不存方九河未沒於海之時從今海岸東北更五百里平地河播為九在此五百里中又上文言夾石碣石則九河入海之處有碣石在其西北岸九河水道變遷難於推考而碣石通趾頂皆石不應什沒今究

○漢書溝洫志云王莽時大司空掾王橫言往者天嘗連雨東北風海水溢西南出浸數百里九河之地已為海所漸矣

△音釋云按山海經怪誕之言朱子多所不信雷神之事不可必引也

冀之地既無此石而平州正南有山而名碣石者尚在海中去岸五百餘里卓立可見則是古河自今以為海處向北斜行始分為九其河道已淪入於海明矣漢王橫言昔天常連雨東北風海水溢西南出浸數百里九河之地已為海水所漸酈道元亦謂九河碣石苞淪於海後世儒者知求九河於平地而不求碣石有無以為之證故前後異說竟無歸宿蓋非九河之地而強鑿求之宜其支離而不能得也

△雷夏既澤 澤者水之鍾也雷夏地志在濟縣西北也山海經云澤中有雷神龍身而人頰鼓其腹則雷然則本夏澤也因其神名之曰雷夏也洪水橫流而入于澤澤不能受則亦泛濫奔潰故水治而後雷夏為澤



△音釋云睢漢志音  
鯽按漢志南郡亦有  
沮水音千余反而左  
傳云江漢睢漳楚之  
望也字乃作睢則睢  
與沮丘通用也

△澠沮會同澠沮二水名澠水會氏曰爾雅  
在宋又曰汲水受陳留浚儀陰溝至蒙為澠  
水東入于泗水經汲水出陰溝東至蒙為澠  
水則澠水即汲水也澠之下流入于睢水沮  
氏曰爾雅云自河出為澠濟出為澧求之於  
韻沮有楚音二水河濟之別也二說未  
詳孰是會者水之合也同者合而一也  
△桑土既蠶是降丘宅土桑土宜桑之土既  
蠶性惡濕故水退而後可蠶然九州皆賴其  
利而獨於堯言之者堯地宜桑後世之濮上  
桑間猶可驗也地高曰丘堯地多在卑下水  
害尤甚民皆依丘陵以居  
至是始得下居平地也

△旁通去周易先天之位艮為山居西北故西北多山兌為澤居東南故東南多水  
○堯承河濟下流徐承淮泗下流楊承江漢下流

○左傳僖公四年有  
之  
○音釋云沮漸濕  
也

自與中下田正相當  
也同耕作十有三載  
而始與他州同也

△厥土黑墳厥草惟繇厥木惟條墳土脉墳  
氏所謂祭之地地墳是也繇茂條長也○林  
氏曰九州之勢西北多山東南多水多山則  
草木為宜不符書也堯徐揚三州最居東南  
下流其地卑濕沮洳洪水為患草木不得其  
生至是或繇或條或天或喬而或漸苞故於  
三州特言之以見水土平草木亦得遂其性也  
△厥田惟中下厥賦貞作十有三載乃同田第  
六等賦第九等貞正也堯賦最薄言君天下  
者以薄賦為正也作十有三載乃同者堯當  
河下流之衝水激而湍悍地平而土踈被害  
尤劇今水患雖平而卑濕沮洳未必盡去土  
曠人稀生理鮮少必作治十有三載然後賦  
法同於他州此為田賦而言故其文屬於厥

賦之下。先儒以為禹治水所歷之年。且謂此州治水最在後。畢州為第九成功。因以山文厥賦。貞者謂賦亦第九。與州正為相當。殊無意義。其說非是。

△厥貢漆絲。厥篚織文。貢者下獻其土所有。於上也。充地宜漆。宜桑。故貢漆絲也。篚竹器。篚屬也。古者幣帛之屬。則盛之以筐篚而貢焉。經曰。篚厥玄黃。是也。織文者。織而有文。錦綺之屬也。以非一色。故以織文總之。林氏曰。有貢又有篚者。所貢之物入於篚也。

△浮于濟。潔達于河。舟行水曰浮。潔者河之支流也。充之貢賦。浮濟則達帝都矣。又按地志曰。潔水出東郡東武。

△音釋云。潔託合。反唐張參五經文字云。字本作濕。經典相承作潔。而以濕為燥濕之濕。

○同云千乘。漢郡名。屬青州。

陽至千乘。入海。程氏以為此乃漢河與潔殊異。然亦不能明言。潔河所在。未詳其地也。

△海岱惟青州。青州之域。東北至海。西南距符縣西北三十里。

△音釋云。襲慶府。輿地廣記。唐兗州魯郡。宋改襲慶府。隸京東西路。

△嶠夷既略。嶠夷。薛氏曰。今登州之地。略。經略。為之。封畛也。即堯典之嶠夷。

△維淄其道。維。水名。淄水。地志云。出琅琊郡箕縣。今密州莒縣東北。維。

山也。北至都昌。入海。今濰州昌邑也。淄水。地志云。出泰山。郡萊蕪縣原山。今濰州淄川縣。東南七十里。原山也。東至博昌縣。入濟。今青州。壽光縣也。其道者。水循其道也。上文言既道者。禹為之道也。此言其道者。泛濫既去。水得其故道也。林氏曰。河濟下流。充受之。淮下。

△音釋云省所景反  
簡少地

流徐受之。江漢下流揚受之。青雖近海然不當眾流之衝。但濰淄二水順其故道。則其功畢矣。比之他州。用力最省者也。

△厥土白墳海濱廣斥濱淮也海涯之地廣

方謂之斥西方謂之鹵斥鹵鹹地可煮為鹽者也

△厥田惟上下厥賦中上田第三賦第四也

△厥貢鹽絺海物惟錯岱畎絲枲鈔松怪石

萊夷作牧厥篚栗絲鹽斥地所出絺細葛也

日錯林氏曰既總謂之海物則固非一種故此與揚州齒革羽毛惟木文勢正同錯蓋別

△旁通云韻會錯鏹也又云鏹摩錯之也朱子云硯以鏹錫製傳後云磬錯治磬之錯也  
○豫州云錫貢磬錯云云

○音釋云朝堅柔也  
猶昂也

△浮于汶達于濟汶水出泰山郡萊蕪縣原

南入濟在今鄆州中都縣也蓋淄水出萊蕪原山之陰東北而入海汶水出萊蕪原山之陽西南而入濟不言達河者因於充也

△海岱及淮惟徐州徐州之域東至海南至淮北至岱而西不言濟

音釋云淮源

者岱之陽齊東為徐岱之北濟東為青言濟  
不足以辨故略之也爾雅濟東曰徐州者商  
無青并青於徐也周禮正東曰青州者周無  
徐并徐於青也林氏曰一州之境必有四至  
七州皆止二至蓋以鄰州互見至此州獨  
其三邊者止言海岱則嫌於青止言淮海則  
嫌於揚故必曰海岱及淮  
而後徐州之疆境始別也  
△淮沂其又 淮沂二水名淮見導水曾氏曰  
間始大其泛濫為患尤在於徐故淮之治於  
徐言之也沂水地志云出泰山郡蓋縣艾山  
今沂州沂水縣也南至于下邳西南而入于  
泗曾氏曰徐州水以沂名者非一鄆道元謂  
水出尼丘山西北徑魯之雩門亦謂之沂水  
水出太公武陽之冠石山亦謂之沂水而沂

音釋云沂水

音釋云沂水

△音釋云沂水名在  
魯地又云出東海郡  
沂音術周禮註水出  
東莞

△音釋云祝其屬東  
海郡左傳及漢志並  
無音胸音劬屬東海  
郡

△音釋云乘氏屬濟  
陰郡

水之大則出於泰山也又按徐之水有泗有  
汶有汭有濶而獨以淮沂言者周職方氏青  
州其川淮泗其浸沂沭周無徐州兼之於青  
周之青即禹之徐則徐之川莫大於淮淮又  
則自泗而下几為川者可知矣徐之浸莫大  
於沂沂又則自沭而下凡為浸者可知矣  
△蒙羽其藝 蒙羽二山名蒙山地志在泰山  
羽山地志在東海郡祝其縣南今  
海州朐山縣也藝者言可種藝也  
△大野既豬 縣比今濟州鉅野縣也鉅即大  
也水蓄而復流者謂之豬按水經濟水至乘  
氏縣分為二南為濶北為濟酈道元謂一水  
東南流一水東北流入鉅野澤則大野為濟  
之所絕其所聚也大矣何承天曰鉅野廣大

音釋卷三

十一

△音韻

△咸平 宋第二主  
真宗年号

△旁通云搏音團拍也  
也埴時職反黏土也  
出考工記又出老子  
十一章埴始然反和也

○易漸卦象曰山上有木漸

○詩小雅斯干篇云幽幽南山如竹苞矣

南導洙泗北連清濟徐之有濟於是乎見文  
鄆州中都西南亦有太野之地也

△東原

晁氏曰東平自古多水患數徙其城咸平中又徙城於東南則其下濕可知也底平者水患已去而底於平也後人以其地之平故謂之東平又按東原在徐之西北而謂之東者以在濟東故也東平國在景帝亦謂濟東國云益知太野東原所以志濟也

△厥土赤埴墳草木漸包

土黏曰埴埴賦也

周有博埴之二老氏言埴埴以爲器惟土性黏賦細密故可埴可埴也漸進長也如易所謂木漸言其日進於茂而不已也包叢生也如詩所謂如竹苞矣言其叢生而積也

△厥田惟上中厥賦中中

田第一等也賦第五等也

△厥貢惟土五色羽畎夏翟擘陽孤桐泗濱

浮磬淮夷蠙珠暨魚厥篚玄纈編雖赤而五色之土亦間有之故制以爲貢周書作維曰諸侯受命于周乃建太社于國中其饋東青土南赤土西白土北驪土中央豐以黃土將建諸侯鑿取其方面之土苞以黃土苴以白茅以爲土封故曰受削土于周室此貢土五色意亦爲是用也羽畎羽山之谷也夏翟雉具五色其羽中旌旄者也染人之職秋染夏鄭氏曰染夏者染五色也林氏曰古之車服器用以雉爲飾者多不祖旌旄也曾氏曰山雉具五色出于羽山之畎則其名山以羽者

管見云梧桐非可以作琴瑟  
琴瑟之桐乃梧桐也  
史記正義曰琴瑟之絃細細  
白絃以細絃味爲黑也

△旁通云周書作維此及家周書第四十八篇也下文本見度邑篇古書誤以二篇合爲一耳

○同孔晃云其方土謂建東方諸侯以青土也苞覆宜寒土封封之爲社也

○染人見周禮天官

○詩大雅卷阿篇云  
鳳凰鳴矣于彼高岡  
梧桐生矣于彼朝陽

○音釋云根者字見  
鬼錯策師古云有根  
著地也

以此歟。嶧山名。地志云。東海郡下邳縣西有葛嶧山。古文以為嶧山。下邳今淮陽軍。下邳縣也。陽者山南也。孤桐特生之。桐其材中琴瑟。詩曰。梧桐生矣。于彼朝陽。蓋草木之生。以向日為貴也。泗水名。出魯國卞縣桃墟西北。陪尾山源有泉四。四泉俱導。因以為名。西南過彭城。又東南過下邳。入淮。卞縣今襲慶府泗水縣也。濱水旁也。浮磬石露。水濱若浮於水。然或曰非也。泗濱非必水中。泗水之旁近浮者。石浮生土中。不根著者也。今下邳有石磬山。或以為古取磬之地。曾氏曰。不謂之石者。成聲而後貢也。淮夷淮之夷也。蠙蚌之別名也。暨及也。珠為服飾。魚用祭祀。今濠泗楚皆貢淮白魚。亦古之遺制。歟。夏翟之出于羽畎。孤桐之生於嶧陽。浮磬之出於泗濱。珠魚之出於淮夷。各有所產之地。非他處所有。故

○禮曰。禮記間傳篇也。及當作又。禪說又云。除服祭名也。

○記曰。王制及內則篇云。有虞氏。皇而祭。深衣而養老。夏后氏。收而祭。燕衣而養老。殷人。昂而祭。編衣而養老。周人。冕而祭。玄衣而養老。

○左傳疏云。祭服。玄衣纁裳。詩稱玄衮。是玄衣而畫以衮龍衮之言。卷也。謂龍首卷然。

○周禮春官司服云。士之齊服。有玄端素端。鄭司農云。玄衣有襜褕者。為玄端。鄭玄謂端取其止也。

△音釋云。沛。沔水也。

○旁通云。沛。古濟字。

△音釋云。揚。唐張參五經文字云。取輕揚。

詳其地而使貢也。玄赤黑色幣也。武成曰。篚厥玄黃。織編皆繪也。禮曰。及期而太祥。素編麻衣。神月而禫。禫而織。記曰。有虞氏。編衣而養老。則知織編皆繪之名也。曾氏曰。玄赤而有黑色。以之為衮。所以祭也。以之為端。所以齊也。以之為冠。以為首服也。黑經白緯。曰織。織也。編也。皆去凶。即吉之所服也。

△浮于淮。泗達于河。許慎曰。汲水受陳留浚儀陰溝。至蒙為澠水。東入于泗。則淮泗之可以達于河者。以澠至干泗也。許慎又曰。泗受沛水。東入淮。蓋泗水至大野而合。沛然則泗之上源自沛。亦可以通河也。

△淮海惟揚州。揚州之域。北至淮。東南至干海。

之義俗從木者非

○旁通云彭澤縣東  
東字誤地志作西

△音釋云夏小正木  
戴禮篇名

○旁通云夏小正夏  
時之書子夏傳

彭蠡既豬

彭蠡地志在豫章郡彭澤縣東合  
江西江東諸水跨豫章饒州南康  
軍三州之地所謂鄱陽  
湖者是也詳見導水

陽鳥攸居

陽鳥隨陽之鳥謂鴈也今惟彭  
蠡洲渚之間千百為羣記陽鳥  
所居猶夏小正記鴈北鄉也言澤水既豬洲  
渚既平而禽鳥亦得其居止而遂其性也

三江既入

唐仲初吳都賦註松江下七十  
里分流東北入海者為婁江東  
南流者為東江併松江為三江其地今亦名  
三江口吳越春秋所謂范蠡乘舟出三江之  
口者是也○又按蘇氏謂岷山之江為中江  
蟠家之江為北江豫章之江為南江即導水  
所謂東為北江東為中江者既有中北二江  
則豫章之江為南江可知今按此為三江若

可依據然江漢會於漢陽合流數百里至湖  
口而後與豫章江會又合流千餘里而後入  
海不復可指為二矣蘇氏知其說不通遂有  
味別之說禹之治水本為民去害豈如陸羽  
輩辨味烹茶為口腹計耶亦可見其說之窮  
矣以其說易以惑人故并及之或曰江漢之  
水揚州巨浸何以不書曰禹貢書法費疏鑿  
者雖小必記無施勞者雖大亦略江漢荆州  
而下安於故道無俟濬治故在不書况朝宗  
于海荆州固備言之是亦可以互見矣此正  
禹貢之  
書法也

震澤底定

震澤太湖也周職方揚州數曰  
具區地志在吳縣西南五十里  
今蘇州吳縣也會氏曰震如三川震之震若  
今湖翻是也具區之水多震而難定故謂之

△旁通云三川震國  
語文

震澤底定者言底於定而不震蕩也

△篠簜既敷厥草惟夭厥木惟喬厥土惟塗

泥篠箭竹簜大竹郭璞曰竹闊節曰蕩敷布也水去竹已布生也少長曰夭喬高也塗

泥水泉濕也下地多水其土淖

△厥田惟下下厥賦上下錯田第九等賦第七等雜出

第六等也言下上錯者以本設賦九等分爲三品下上與中下異品故變文言下上錯也

△厥貢惟金三品瑤琨篠簜齒革羽毛惟木

島夷卉服厥篚織貝厥包橘柚錫貢三品金銀銅也

△詩大雅公劉篇也

○音釋云英蕩周禮註盛節器也咒似牛一角青色重千斤梗木似豫章械器之總名

○旁通云吳都賦蕉葛升越弱於羅紈註云蕉葛布之細者升越越布之細者說文云葛絺絺草也韻會云越草名蒲屬葛越草布也

△汭于江海達于淮泗

順流而下曰汭汭入海自海而入淮泗

瑤琨玉石名詩曰何以舟之維玉及瑤琨說文云石之美似玉者取之可以爲禮器條之材中於矢之箭蕩之材中於樂之管蕩亦可爲符節周官掌節有英蕩象有齒犀兕有革鳥有羽獸有毛木梗梓豫章之屬齒革可以成車甲羽毛可以爲旌旄木可以備棟宇器械之用也島夷東南海島之夷卉草也葛越木綿之屬織貝錦名織爲貝文詩曰貝錦是也今南夷木綿之精好者亦謂之吉貝海島之夷以卉服來貢而織貝之精者則入篚焉包裹也小曰橘大曰柚錫者必待錫命而後貢非歲貢之常也張氏曰必錫命乃貢者供祭祀燕賓客則詔之



△寰宇記云昔吳王夫差將伐齊北霸中國自廣陵城東南築邢城城下掘深溝謂之邢江亦曰邢溝邢河干切

△旁通云掘商跡圖自江漢合流至海洋下八百餘里

不言達于河者因於徐也禹時江淮未通故於海至吳始開邦溝隋人廣之而江淮舟船始通也孟子言排淮泗而注之江記者之誤也

△荆及衡陽惟荊州荊州之域北距南條荆各見導山唐孔氏曰荊州以衡山之陽為至者蓋南方惟衡山為大以衡陽言之見其地不止此山而猶包其南也

△江漢朝宗于海江漢見導水春見曰朝夏之名也江漢合流于荆去海尚遠然水道已安而無有壅塞橫決之患雖未至海而其勢已奔趨於海猶諸侯之朝宗于王也

△九江孔殷九江即今之洞庭也水經言九江在長沙下雋西北楚地記曰

△旁通云元水或名巫水又曰无水又名無水無水無不聲之訛也今蔡傳作元亨之元者字之訛也

巴陵瀟湘之淵在九江之間今岳州巴陵縣即楚之巴陵漢之下雋也洞庭正在其西北則洞庭之為九江審矣今沅水漸水元水辰水敘水酉水澧水資水湘水皆合於洞庭意以是名九江也孔甚殷正也九江水道甚得其正也○按漢志九江在廬江郡之尋陽縣尋陽記九江之名一曰烏江二曰蟬江三曰烏白江四曰嘉藤江五曰畎江六曰源江七曰廩江八曰提江九曰箇江今詳漢九江郡之尋陽乃禹貢揚州之境而唐孔氏又以爲九江之名起於近代未足爲據且九江派別取之耶亦必首尾短長大略均布然後可目之爲九然其一水之間當有一洲九江之間沙水相間乃爲十有七道而今尋陽之地將無所容况沙洲出沒其勢不常果可以爲地理之定名乎設使派別爲九則當曰九江既

○音釋云按九水惟沅水其源最遠諸水皆合沅水而北流耳但澧水自入洞庭在湘江西然武陵零陵長沙諸郡之水入沅水者甚多而獨指此九水亦未知其去取之意也

道不應曰孔殷於導江當曰播九江不應曰過九江反復參攷則九江非尋陽明甚本朝胡氏以洞庭為九江者得之曾氏亦謂導江曰過九江至于東陵東陵今之巴陵今巴陵之上即洞庭也因九水所合遂名九江故下文導水曰過九江經之例大水合小水謂之過則洞庭之為九江益以明矣

△沱潛既道爾雅曰水自江出為沱自漢出為潛凡水之出於江漢者皆有

此名此則荆州江漢之出者也余按南郡枝江縣有沱水然其流入江而非出於江也葉容縣有夏水首出于江尾入干沔亦謂之沱若潛水則未有見也

△雲土夢作澤藪曰雲夢方八九百里跨

△左傳楚平濟江入于雲中見定公四年○又楚子以鄭伯田于江南之夢見昭公三年○旁通云別而言之則二澤也江南曰夢江北曰雲朱子云江陵之下岳州之上是雲夢

江南北華容枝江江夏安陸皆其地也左傳楚子濟江入于雲中又楚子以鄭伯田于江南之夢合而言之則為一別而言之則二澤也雲土者雲之地土見而已夢作又者夢之地已可耕治也蓋雲夢之澤地勢有高卑故水落有先後入工有早晚也

△厥土惟塗泥厥田惟下中厥賦上下荆州之土

與揚州同故田比揚只加一等而賦為第三等者地闊而人工修也

△厥貢羽毛齒革惟金三品柃榦栝柏礪砥

柃丹惟箇籛楛三邦底貢厥名包匭菁茅厥

篚玄纁璣組九江納錫大龜荆之貢與揚州大抵多同然荆

△肅慎氏貢石如石事見國語

○董安于之治晉陽事見國語並戰國策

○音擇云苦蓋也楚廩與墻同言以荆為

○正義云束第立之祭前酒沃其上酒滲下若神飲之故謂之縮

○齊桓公責楚貢事見左傳僖公四年東若而灌之以酒為縮酒

○管子云江淮之間一茅而三春名曰菁茅見管子輕重子篇

先言羽毛者漢孔氏所謂善者為先也按職方氏揚州其利金錫荊州其利丹銀齒革則荆揚所產不無優劣矣柘栝栢三木名也柘木似樗而可為弓幹栝木栢葉松身礪礪皆磨石砥以細密為名礪以麤糲為稱礪者中矢鏃之用肅慎氏貢石如石者是其也丹丹砂也籛籛竹名栝木名皆可以為矢董安于之治晉陽也公宮之垣皆以荻蒿苦楚廩之其高丈餘趙襄子發而試之其堅則籛籛不能過也則籛籛蓋竹之堅者其材中矢之筈栝肅慎氏貢栝失者是也二邦未詳其地底致也致貢籛籛栝之有名者也匭匣也菁茅有刺而三春所以供祭祀縮酒之用既包而又匣之所以示敬也齊桓公責楚貢包茅不入王祭不供無以縮酒又管子云江淮之間一茅而三春名曰菁茅菁茅一物也孔氏謂菁以

○崔豹古今註云綬長二丈九尺九寸

○史記龜策傳云龜千歲滿尺二寸

○所謂國之守龜見左傳昭公五年註云言寶而藏守之也

為菹者非是今辰州麻陽縣苞茅山出苞茅有刺而三春纒周禮染人夏纒玄纒絳色幣也幾珠不圓者組綬類大龜尺有二寸所謂國之守龜非可常得故不為常貢若偶得之則使之納錫於上謂之納錫者下與上之辭重其事也

△浮于江沱潛漢逾于洛至于南河江沱潛漢其水

道之出入不可詳而大勢則自江沱而入潛漢也逾越也漢與洛不通故舍舟而陸以達于洛自洛而至于南河也程氏曰不徑浮江漢兼用沱潛者隨其貢物所出之便或由經流或循枝派期於便事而已

△荆河惟豫州豫州之域西南至南

地圖載澗水今合灑水而入洛此後代陵谷遷改非禹跡之舊也

△音釋云小大相敵伊水在洛南之東灑澗在洛北之西洛水極大伊水次之灑澗水小經言伊洛灑澗蓋自東南而西北以地形次第言之耳非謂大小相敵也又經又此言灑澗後導水章言灑澗則以洛水先會灑澗水後會灑水各以其次故立言有先後之殊宋與

△伊洛灑澗既入于河

伊水山海經曰熊耳之山伊水出焉東北至洛陽縣南北入于洛郭璞云熊耳在上洛縣南今商州上洛縣也地志言伊水出弘農盧氏之熊耳者非是洛水地志云出弘農郡上洛縣冢領山也水經謂之謹舉山今商州洛南縣冢領山也至鞏縣入河今河南府鞏縣也灑澗水地志云出河南郡穀城縣管亭北今河南府河南縣西北有古穀城縣其北山實灑澗水所出也至偃師縣入洛今河南府偃師縣也澗水地志云出弘農郡新安縣東南入于洛新安在今河南府新安縣之東今澗池縣東二十三里新安城是也城東北有白石山即澗水所出酈道元云世謂之廣陽山然則澗水出今之澗池至新安入洛也伊灑澗水入于洛而洛水入于河此言伊洛灑澗

入于河若四水不相合而各入河者猶漢入江江入海而荆州言江漢朝宗于海意同蓋四水並流小大相敵故也詳見下文

△榮波既豬

榮波二水名濟水自今孟州温縣入河潛行絕河南溢為榮在

△旁通漢書云東據敖倉即此地秦時築倉於山上故曰敖倉○寰宇記云古者濟水出河北截河南流而為榮澤自王莽末濟水但入河不復過河南○鄭康成謂榮今塞為平地○見春秋傳閔公二年註程氏云

今鄭州榮澤縣西五里敖倉東南敖倉者古之敖山也按今濟水但入河不復過河之南榮瀆水受河水有石門謂之榮口石門也鄭康成謂榮今塞為平地榮陽民猶謂其處為榮澤酈道元曰禹塞淫水於榮陽下引河東南以通淮泗濟水分河東南流漢明帝使王景即榮水故瀆東注浚儀謂之浚儀渠漢志謂榮陽縣有狼蕩渠首受濟者是也南曰狼蕩北曰浚儀其實一也波水周職方豫州其川榮雒其浸波澹爾雅云水自洛出為波山

春秋衛侯及狄人戰于榮澤然則在春秋時既可以戰則已不復受河矣

海經曰。婁涿之山。波水出。其陰北。流注于穀。二說不同。未詳孰是。孔氏以榮波為一水者非也。

△導荷澤被孟豬。荷澤地志在濟陰郡定陶縣。東今與仁府濟陰縣南三里。其地有荷山。故名。其澤為荷澤也。蓋濟水所經。水經謂南濟東過宛句縣南。又東過定陶縣南。又東北荷水東出焉。是也。被及也。

孟豬爾雅作孟諸。地志在梁國睢陽縣東北。今南京虞城縣西北。孟諸澤是也。曾氏曰。被覆也。荷水衍溢導其餘波入于孟豬。不常入也。故曰被。

△厥土惟壤下土墳壙。土不言色者其色雜也。壙。疏也。顏氏曰。玄而疏者謂之壙。其土有高下之不同。故別言之。

△厥田惟中上厥賦錯上中。田第四等。賦第二等。雜出第十等也。

△厥貢漆臬締紵厥篚織纉錫貢磬錯。林氏官載師漆林之征。二十有五。周以為征。而此乃貢者。蓋豫州在周為畿內。故載師掌其征。而不制貢。禹時豫在畿外。故有貢也。推此義則糞不言貢者可知。顏師古曰。織紵以為布及練。然經但言貢臬與紵。成布與未成布不可詳也。纉。細綿也。磬錯治磬之錯也。非所常用之物。故非常貢。必待錫命而後納也。與揚州橘柚同。然揚州先言橘柚。而此先言錫貢者。橘柚言包。則於厥篚之文無嫌。故言錫貢在後。磬錫則與厥篚之文嫌於相屬。故言錫貢在先。蓋立言之法也。

△周禮十二載師云。凡任地國宅無征園廛二十而一。近郊十而一。遠郊二十而一。甸稍縣都皆無過十二。唯其漆林之征二十。而五註云。漆林之征二十。而五者。上之三。等為輕。近重。遠法。此漆林之稅。特重。以其漆林自然所生。非人力所種。故也。

書經卷二

△音釋云孔傳云東據華山之南西距黑水蔡傳易置據距二字蓋以東境止於華陽西境之跨黑水也

△旁通云前于千反氏下奚反道者出微之路縣之領夷者名曰道如剛氏道平陰道嚴道楚道之類微言形及微猶塞也東北謂之塞西南謂之微

△浮于洛達于河豫州去帝都最近豫之東境徑自入河豫之西境則

後至河也

華見導山黑水見導水

△岷嶓既藝岷嶓二山名岷山地志在蜀郡

縣江水所出也晁氏曰蜀以山近江源者通為岷山連峯接岫重疊險阻不詳遠近青城天彭諸山之所環遶皆古之岷山青城乃其第一峯也嶓家山地志云在隴西郡氏道縣漾水所出又云在西縣今興元府西縣三泉縣也蓋嶓家一山跨于兩縣云川原既滌水

去不滯而無及溢之患其山已可種藝也

△沱潛既道此江漢別流之在梁州者沱水

大江郫縣今成都府郫縣也又地志云蜀郡汶江縣江沱在西南東入江汶江縣今永康軍導江縣也潛水地志云巴郡宕渠縣潛水西南入江宕渠今渠州流江縣也酈道元謂宕渠縣有大穴潛水入焉通置山下西南潛出南入于江又地志漢中郡安陽縣瀟谷水出西南入于漢瀟音潛安陽縣今洋州真符縣也○又按梁州乃江漢之源此不志者岷之藝導江也嶓之藝導漾也道沱則江悉矣道潛則漢悉矣上志岷嶓下志沱潛江漢源流於是而見

△旁通云沫水史記音妹漢書音本末之末  
○寰宇記云李冰以秦時為蜀守

△音釋云嚴道屬蜀郡復漢志音腹很漢志音恒屬武陵郡

○旁通云很山縣地志云屬武陵郡孟康曰很山音恒

△蔡蒙旅平

蔡蒙二山名蔡山輿地記在今雅州嚴道縣蒙山地志蜀郡青衣縣今雅州名山縣也酈道元謂山上合下開沫水逕其間澗崖水脉漂疾歷代為患蜀郡太守李冰發卒鑿平澗崖則此二山在禹為用功多也祭山曰旅旅平者治功畢而祭也

△和夷底績

和夷地名嚴道以西有和川有夷二水名和水今雅州榮經縣北和川水自蠻界羅岷州東西來逕蒙山所謂青衣水而入岷江者也夷水出巴郡魚復縣東南過很山縣南又東過夷道縣北東入于江今詳二說皆未可必但經言底績者三覃懷原隰既皆地名則此恐為地名或地名因水亦不可知也

△厥土青黎

黎黑也

△厥田惟下上厥賦下中三錯

田第七等賦第八等雜出

第七第九等也按賦雜出他等者或以為歲有豐凶或以為戶有增減皆非也意者地力有上下年分不同如周官田一易再易之類故賦之等第亦有上下年分糞之正賦第一等而間歲第二等也揚之正賦第七等而間歲第六等也豫之正賦第八等而間歲第一等也梁之正賦第九等而間歲第九等也當時必有條目詳具今不存矣書之所載特凡例也若謂歲之豐凶戶之增減則九州皆然何獨於冀揚豫梁四州言哉

△厥貢璆鐵銀鏤斝磬熊羆狐狸織皮

璆玉鏤鐵

△周禮云一易之田家二百畝再易之田家二百畝一易者間一歲耕百畝也再易者間一歲耕百畝也

△史記云蜀卓氏即鐵山鼓鑄富至僅千人擬於人君程鄭亦治鑄富埶卓氏俱居臨邛

○旁通云毳昌茂反獸毛之細者  
○音釋云屬居例反織毛為布也

△音釋云西傾之人因桓水而來通中國也

○漢武帝時事見史記河渠書

○音釋云褒斜秦谷口地名南曰褒北曰斜漕水運也

△音釋云孔傳云西距黑水東據河蔡傳易置二字以河之東即冀州也餘見梁州

柔鐵也。鑊剛鐵可以刻鑊者也。磬石磬也。言鐵而先於銀者。鐵之利多於銀也。後世蜀之卓氏程氏以鐵冶富擬封君。則梁之利尤在於鐵也。織皮者梁州之地。山林為多。獸之所走。熊羆狐狸四獸之皮。製之可以為裘。其毳毛織之可以為屬也。○林氏曰。徐州貢浮磬。此州既貢玉磬。又貢石磬。豫州又貢磬。鉛以此觀之。則知當時樂器磬最為重。豈非以其聲角而在清濁小大之間。最難得其和者哉。

△西傾因桓是來浮于潛逾于沔入于渭亂

于河。西傾山名。地志在隴西郡臨洮縣。西今之南。桓水出焉。蘇氏曰。漢始出為漾。東南流為沔。至漢中東行。為漢沔。酈道元曰。自西傾而至葭萌。浮于西漢。西漢即潛水也。自西漢

○旁通云葭萌地志屬廣漢郡。宋屬利州。今為廣元路。同云地志如淳曰。沔陽人謂漢水為沔水。師古曰。漢上曰沔。

溯流而屈于晉壽界。阻漾枝津。南歷岡北。迤邐接漢沔。歷漢川。至于褒水。逾褒而暨于衙嶺之南。溪灌于斜川。屈于武功。而北以入于渭。漢武帝時。人有上書欲通褒斜道。及漕事下。張湯問之。云。褒水通沔。斜水通渭。皆可以漕。從南陽上沔入褒。褒絕水至斜。間百餘里。以車轉。從斜下渭。如此。則漢中穀可致。經言沔絕水百餘里。故曰逾然。於經文則當曰逾于渭。今曰逾于沔。此又未可曉也。絕河而渡曰亂。

△黑水西河惟雍州

雍州之域。西據黑水。東距西河。謂之西河者。主冀都而言也。柳宗元曰。西海之山有水焉。散

△弱水既西。柳宗元曰。西海之山有水焉。散



△旁通云柔然即蠕蠕事見通鑑宋文帝元嘉六年

○北史載出蠕蠕傳云菟園水去平城三千七百餘里東至瀚海西接張掖水北度燕然山東西五千餘里南北三千餘里  
○音釋云吐谷渾西北夷名

犂沒及底而後止故名曰弱既西者導之西流也地志云在張掖郡刪丹縣薛氏曰弱水出吐谷渾界窮石山自刪丹西至合黎山與張掖縣河合又按通鑑魏太武擊柔然至粟水西行至菟園水分軍搜討又循弱水西行至涿邪山則弱水在菟園水之西涿邪山之東矣北史載太武至菟園水分軍搜討東至瀚海西接張掖水北度燕然山與通鑑小異豈瀚海張掖水於弱水為近乎程氏據西域傳以弱水為在條支援引甚悉然長安西行一萬二千二百里又百餘日方至條支其去雍州如此之遠禹豈應窮荒而導其流也哉其說非是

△涇屬渭汭

定郡涇陽縣西今原州百泉縣岍頭山也東南至馮翊陽陵縣入渭今未興

△漢書作开頭山寰宇記作并頭山記作雞頭

○音釋云渭汭一水涇水先會渭水後入渭水則經當言涇屬汭渭不當先渭而後汭况下文即有渭汭字不可異釋當從孔傳水北曰汭

○詩大雅公劉之詩云止旅廼密芮翰之即註云芮水名翰水外也

軍高陵縣也渭水地志出隴西郡首陽縣西南今渭州渭源縣鳥鼠山西北南谷山也東至京北船司空縣入河今華州華陰縣也汭水地志作芮扶風岍縣弦蒲藪芮水出其西北東入涇今隴州汧源縣弦蒲藪有汭水馬周職方雍州其川涇汭詩曰汭鞠之即皆謂是也屬連屬也涇水連屬渭汭二水也

△漆沮既從

漆沮二水名漆水寰宇記自耀州同官縣東北界來經華原縣合沮水沮水地志出北地郡直路縣東今坊州宜君縣西北境也寰宇記沮水自坊州昇平縣北子午嶺出俗號子午水下合榆谷慈馬等川遂為沮水至耀州華原縣合漆水至同州朝邑縣東南入渭二水相敵故並言之既從者從於渭也又按地志謂漆水出扶風

△音釋云澧水南注，之叙水之例如言南入于江東入于海皆指水所趨之方而言此云澧水南注之涇水北注之漆沮東北注之乃指水所自之方而言按導水章孔傳云澧水自南涇水自北而合加一自字則於義明矣澧水在渭南涇漆沮在渭北

縣晁氏曰此函之漆也水經漆水出扶風杜陽縣程氏曰杜陽今岐山普潤縣之地亦漢漆縣之境其水入渭在澧水之上與經序渭水節次不合非禹貢之漆水也

△澧水攸同

咸陽縣入渭同者同於渭也渭水自鳥鼠而東澧水南注之涇水北注之漆沮東北注之皆主渭而言也

△荆岐既旅終南惇物至于鳥鼠

北條之荆地志在馮翊懷德縣南今耀州富平縣掘陵原也岐山地志在扶風美陽縣西北今鳳翔府岐山縣東北十里也終南惇物鳥鼠亦皆山名終南地志古文以太一山為

△旁通云地志古文古文者班固時古地理書也班固引之故稱古文

△詩大雅公劉篇

○旁通云休屠澤故匈奴休屠王地也古今當作古文

△輿地要覽云三危山有三峯名曰禺南山後漢西羌傳註亦

終南山在扶風武功縣今末興軍萬年縣南五十里也惇物地志古文以垂山為惇物在扶風武功縣今末興軍武功縣也鳥鼠地志在隴西郡首陽縣西南今渭州渭源縣西也俗呼為青雀山舉三山而不

△原隰既績至于豬野

此也鄭氏曰其地在函今邠州也豬野地志云武威縣東北有休屠澤古今以為豬野今涼州姑臧縣也治水成功自高而下故先言山次原隰次陂澤也

△三危既宅三苗丕敘

其地三苗之窟在洪水未平之前及是三危已既可居三苗於是大有功敘今按舜窟三

云三危在沙州  
○音釋云燉煌郡各  
屬涼州後漢西羌傳  
註三危山在今沙州  
燉煌縣東南山有三  
峯故曰三危音遙  
南方蠻洞人也

△爾雅註云琅玕狀  
似珠山海經曰崑崙  
山有琅玕樹註琅玕  
子似玉  
○爾雅疏云帝之下都昆侖之虛方八百里即崑崙山也虛音墟

△旁通云宋神宗改  
鎮洮軍為熙州以熙  
河洮岷州通遠軍為  
一路○會川在長安  
之西北一千一百九  
十里  
○小河鹹水其地生  
鹽去州一百二十里

苗以其惡之尤甚者遷之而立其次者於舊  
都今既窺者已丕敘而居於舊都者尚桀鷲  
不服蓋三苗舊都山川險阻氣音使然今湖  
南猛洞時猶竊發俘而詢  
之多為猶姓豈其遺種歟  
△厥土惟黃壤黃者土之正色林氏曰物得  
壤故其田非  
他州所及

△厥田惟上上厥賦中下田第一等而賦第  
六等者地狹而人  
功少

△厥貢惟球琳琅玕球琳美玉也琅玕石之  
美者有崑崙虛之球琳琅玕今南海有青琅  
玕似玉

玕珊瑚  
屬也

△浮于積石至于龍門西河會于渭汭積石  
地志

在金城郡河關縣西南羌中今鄯州龍支縣  
界也龍門山地志在馮翊夏陽縣今河中府  
龍門縣也西河黃之西河也雍之貢道有二  
其東北境則自積石至于西河其西南境則  
會于渭汭言渭汭不言河者蒙梁州之文也  
他州貢賦亦當不止一道發此例以互見耳  
○按邢昺奏乞下熙河路打造船五百隻於  
黃河順流放下至會州西小河內藏放熙河  
路漕使李復奏竊知邢昺欲用此船載兵順  
流而下去取興州契勘會州之西小河鹹水  
其闊不及一丈深止於一二尺豈能藏船黃  
河過會州入葦精山石峽險窄自上垂流直

○音釋云：卷西戎種也。鄯西戎國名，因為州名。邢恕字和叔，鄭州人。李復字履中，閬人。

或曰：織皮二字無着落，宜移於前球琳琅玕之下。

下。高數十丈。船豈可過。至西矣。州之東。大河分爲六七道。散流渭之南山。逆流數十里。方再合。逆溜水淺。難積。不勝舟載。此聲若出。必爲夏國侮矣。事遂寢。邢恕之策。如李復之言。可謂謬矣。然此言貢賦之路。亦曰浮于積石。至于龍門。西河則古來此處河道。固通舟楫矣。而復之言。乃如此。何也。姑錄之。以備參考云。

△織皮崑崙析支渠搜西戎即敘崑崙即河

臨羌析支在河關西千餘里。渠搜水經曰。河自朔方東轉。經渠搜縣。故城北蓋近朔方之地也。三國皆貢皮衣。故以織皮冠之。皆西方戎落。故以西戎總之。即就也。雍州水土既平。而餘功及於西戎。故附于末。○蘇氏曰。青徐揚三州皆萊夷。淮夷島夷所篚。此三國亦篚也。△音釋云。臨羌縣名。屬金城郡。落居也。梁州亦篚。織皮。按此經文。無篚字。梁州亦無篚字。今言篚者。似因揚州厥篚織貝而例之耳。然織貝者。織帛爲貝文也。故可入篚。若獸皮毛爾。非可入篚者。梁州織皮。但在厥貢之下。別無厥篚之文。是梁州一州自無入篚之貢也。

不可以織皮爲梁州之篚。又此三國叙在章末。貢道之後。與萊夷淮夷島夷之例不同。而織皮二字又冠國名之上。恐但記此三國以織皮爲俗耳。

織皮。但古語有顛倒詳略爾。其文當在厥貢。惟球琳琅玕之下。浮于積石之上。簡編脫誤。不可不正。愚謂梁州亦篚。

△道岍及岐至于荆山逾于河壺口雷首至

于太岳底柱析城至于王屋太行恒山至于

碣石入于海

此下隨山也。岍岐荆三山皆雍州。古文以爲沂山。今隴州吳山縣。吳嶽山也。周禮雍州山鎮曰嶽山。又按寰宇記。隴州岍源有岍山。岍水所出。禹貢所謂岍山也。晁氏以爲今之隴山。天井金門秦嶺山者。皆古之岍也。岐荆見雍州。壺口雷首太岳底柱析城王屋太行恒山皆冀州。山壺口太岳碣石見

△自此導山也  
導山使道可通

此山與水皆在冀州  
太行恒山皆冀州

△寰宇記云禹理洪水山陵當水者破之以通河三穿既决河出其間有似門故俗号三門

冀州雷首地志在河東郡蒲坂縣南今河中府河東縣也底柱石在大河中流其形如柱今陝州陝縣三門山是也析城地志在河東郡漢澤縣西今澤州陽城縣也晁氏曰山峯四面如城王屋地志在河東郡垣縣東北今絳州垣曲縣也晁氏曰山狀如屋太行山地志在河內郡山陽縣西北今懷州河內也恒山地志在常山郡上曲陽縣西北今定州曲陽也逾者禹自荆山而過于河也孔氏以為荆山之脉逾河而為壺口雷首者非是蓋禹之治水隨山刊木其所表識諸山之名必其高大可以辨疆域廣博可以奠民居故謹而書之以見其施功之次第初非有意推其脉絡之所自來若今之葬法所言也若必實以山脉言之則尤見其說之謬妄蓋河北諸山根本脊脉皆自代北寰武嵐憲諸州乘高而

○音釋云漢志河東郡濩澤縣師古音鳥號反嵐盧含反州有崑嵐山故名桑乾音于河名出幽州汾音墳沁七鳩反水名出上黨潞音路水名冀州浸也

○旁通云王鄭有三條四列之名王肅鄭玄也王以岍岐至碣石為北條西傾至陪尾為中條瞻家至敷淺原為南條鄭以岍岐為正陰列西傾為次陰列瞻家為次陽列岍山正陽列為正陽列

○音釋云三條四列馬融王肅云導河北條西傾中條瞻家南條鄭玄云導岍正陰列西傾次陰列瞻家次陽列岍山正陽列

來其脊以西之水則西流以入龍門西河之上流其脊以東之水則東流而為桑乾幽冀以入于海其西一支為壺口太岳次一支包汾晉之源而南出以為析城王屋而又西折以為雷首又次一支乃為太行又次一支乃為恒山其間各隔沁潞諸川不相連屬豈自岍岐跨河而為是諸山哉山之經理者已附于逐州之下於此又條列而詳記之而山之經緯皆可見矣王鄭有三條四列之名皆為未當今據導字分之以為南北二條而江河以為之紀於二之中又分為二焉此北條大河北境之山也

△西傾朱圉鳥鼠至于太華熊耳外方桐栢至于陪尾西傾朱圉鳥鼠太華雍州山也熊耳外方桐栢陪尾豫州山也西傾

△旁通云宗古急字  
地志云是為中岳

見梁州朱圉地志在天水郡冀縣南今秦州  
大潭縣也俗呼為白巖山鳥鼠見雍州太華  
地志在京兆華陰縣南今華州華陰縣二十  
里也熊耳在商州上洛縣詳見豫州外方地  
志潁川郡密高縣有密高山古文以為外方  
在今西京登封縣也桐栢地志在南陽郡平  
氏縣東南今唐州桐栢縣也陪尾地志江夏  
郡安陸縣東北有橫尾山古文以為陪尾今  
安州安陸也西傾不言導者蒙導嶺  
之文也此北條大河南境之山也

△導嶓冢至于荆山內方至于大別嶓冢即

嶓也山形如冢故謂之嶓冢詳見梁州荆山  
南條荆山地志在南郡臨沮縣北今襄陽府  
南漳縣也內方大別亦山名內方地志章山  
古文以為內方山在江夏郡竟陵縣東北今

△左傳定公四年有此事

荆門軍長林縣也左傳吳與楚戰楚濟漢而  
陳自小別至于大別蓋近漢之山今漢陽軍  
漢陽縣北大別山是也地志水經云在  
安豐者非是此南條江漢北境之山也

△岷山之陽至于衡山過九江至于敷淺原

岷山見梁州衡山南嶽也地志在長沙國湘  
南縣今潭州衡山縣也九江見荆州敷淺原  
地志云豫章郡歷陵縣南有博易山古文以  
為敷淺原今江州德安縣博易山也晁氏以  
為在鄱陽者非是今按晁氏以鄱陽有博陽  
山又有歷陵山為應地志歷陵縣之名然鄱  
陽漢舊縣地不應又為歷陵縣山名偶同不  
足據也江州德安雖為近之然所謂敷淺原  
者其山其小而卑亦未見其為在所表見者  
惟廬阜在大江彭蠡之交最高且大宜所當

△音釋云傳易山漢  
志師古云傳音敷易  
古陽字

△自此導水也

紀志者而皆無考據恐山川之名古今或異而傳者未必得其真也姑俟知者過經過也與導研逾干河之義同孔氏以為衡山之脉連延而為敷淺原者亦非是蓋岷山之脉其北一支為衡山而盡於洞庭之西其南一支度桂嶺北經袁筠之地至德安所謂敷淺原者二支之間湘水間斷衡山在湘水西南敷淺原在湘水東北其非衡山之脉連延過九江而為敷淺原者明甚且其山川崗脊源流具在眼前而古今異說如此况殘山斷港歷數千百年者尚何自取信哉岷山不言導者蒙導嶓冢之文也此南條江漢南境之山也

△導弱水至于合黎餘波入于流沙

水見雍州合黎山名隋地志在張掖縣西北亦名羌谷流沙杜佑云在沙州西八十里其

△旁通云周易先天卦位艮西北兌東南故水聚東南而尾西北山聚西北而尾東南所謂山澤通氣也

△旁通云浩字守書所無也程氏禹貢圖皆作灑諸恐蔡傳誤書言為二點當從程本  
○音釋云浩音若此字但見丁度集韻他韻並不收

沙隨風流行故曰流沙水之疏導者已附于逐州之下於此又派別而詳記之而水之經緯皆可見矣濟川之功自隨山始故導水次於導山也又按山水皆原於西北故禹敘山敘水皆自西北而東南導山則先岷岐導水則先弱水也

△導黑水至于三危入于南海

黑水地志出犍為郡南廣

縣汾關山水經出張掖雞山南至燉煌過三危山南流入于南海唐樊綽云西夷之水南流入于南海者凡四曰區江曰西珥河曰麗水曰灑若江皆入于南海其曰麗水者即古之黑水也三危山臨峙其上按梁雍二州西邊皆以黑水為界是黑水自雍之西北而直出梁之西南也中國山勢岡脊大抵皆自西北而來積石西嶺岷山岡脊以東之水既入

○同云葉榆漢志益州郡有葉榆澤師古云葉音戈涉及滇音顛西南夷地名亦國名雋音隨水名漢武帝置越嶲郡言越此水也

○北史云宕昌者其先蓋三苗之胤其地東接中華西通西域南北數千里

于河漢岷江其岡脊以西之水即為黑水而入于南海地志水經樊氏之說雖未詳的實要其地也程氏曰樊綽以麗水為黑水者恐其狹小不足為界其所稱西珥河者却與漢志葉榆澤相貫廣處可二十里既足以界別二州其流又正趨南海又漢滇池即葉榆之地武帝初開滇嶲時其地古有黑水舊祠夷人不知載籍必不能附會而綽及道元皆謂此澤以掄葉所積得名則其水之黑似掄葉積漬所成且其地乃在蜀之正西又東北距宕昌不遠宕昌即三苗種裔與三苗之敘于三危者又為相應其證驗莫此之明也

△導河積石至于龍門南至于華陰東至于底柱又東至于孟津東過洛汭至于大伾北

過洛水至于大陸又北播為九河同為逆

河入于海積石龍門見雍州華陰華山之北也底柱見導山孟地名津渡處也

杜預云在河內郡河陽縣南今孟州河陽縣也武王師渡孟津者即此今亦名富平津洛汭洛水交流之內在今河南府鞏縣之東洛之入河實在東南河則自西而東過之故曰東過洛汭大伾孔氏曰山再成曰伾張揖以為在成臯鄭玄以為在脩武武德臣瓚以為脩武武德無此山成臯山又不再成今通利軍黎陽縣臨河有山蓋大伾也按黎陽山在大河垂欲趨北之地故禹記之若成臯之山既非從東折北之地又無險礙如龍門底柱之須疏鑿西去洛汭既已大近東距洛水大陸又為絕遠當以黎陽者為是洛水地志在

△旁通云張揖鄭玄臣瓚云此皆據爾雅疏文又本漢書注文

○爾雅疏云山上更有一山重累者名在

○音釋云脩武武德二縣名並屬河內郡

臣瓚註漢書人名不知其姓故但稱臣瓚或云姓薛



○音釋云于闐西域國名

信都縣今冀州信都縣枯涿渠也程氏曰周時河徙於磧至漢又改向頓丘東南流與禹河迹大相背戾地志魏郡鄴縣有故大河在東北直達于海疑即禹之故河孟康以為王莽河非也古涿瀆自唐具州經城北入南宮貫穿信都大抵北向而入故河於信都之北為合北過涿水之文當以信都者為是大陸見冀州九河見兖州逆河意以海水逆潮而復有矣九河既淪于海則逆河在其下流固不合同皆水勢之自然禹特順而導之耳今按漢西域傳張騫所窮河源云河有兩源一出葱嶺一出于闐于闐在南山下其河北流與葱嶺河合東注蒲昌海蒲昌海一名鹽澤去玉門陽關三百餘里其水停居冬夏不增減潛行地中南出積石又唐長慶中薛元鼎使

○旁通云水高於地故為隄以障之隄壞則河決此所以有水患也

吐蕃自龍西成紀縣西南出塞二千餘里得河源於莫賀延積尾曰閼磨黎山其山中高四下所謂崑崙也東北流與積石河相連河源澄瑩冬春可涉下稍合流色赤益遠他水并注遂濁吐蕃亦自言崑崙在其國西南二說恐薛氏為是河自積石三千里而後至于龍門經但一書積石不言方向荒遠在所略也龍門而下因其所經記其自北而南則曰南至華陰記其自南而東則曰東至底柱又詳記其東向所經之地則曰孟津曰洛汭曰大伾又記其自東而北則曰北過涿水又詳記其北向所經之地則曰大陸曰九河又記其入海之處則曰逆河自洛汭而上河行於山其地皆可攷自大伾而下垠岸高於平地故決齧流移水陸變遷而涿水大陸九河逆河皆難指實然上求大伾下得碣石因其方

○同云唐張仁愿所築唐神龍三年置在雲中之地有東西中三城今皆廢

○音釋云齒齧齒不相值也

向辨其故迹則猶可考也其詳悉見上文○又按李復云同州韓城北有安國嶺東西四十餘里東臨大河瀕河有禹廟在山斷河出處禹鑿龍門起於唐張仁愿所築東受降城之東自北而南至此山盡兩岸石壁峭立大河盤東於山峽間千數百里至此山開岸闊豁然奔放怒氣噴風聲如萬雷今按舊說禹鑿龍門而不詳其所以鑿誦說相傳但謂因舊修闢去其齒齧以決水勢而已今詳此說則謂受降以東至於龍門皆是禹新開鑿若果如此則禹未鑿時河之故道不知却在何處而李氏之學極博不知此說又何所考也

△嶓冢導漾東流為漢又東為滄浪之水過三澨至于大別南入于江東匯澤為彭蠡東

△常璩萬姓統譜云晉常璩撰華陽國志十二卷漢義書十卷

○寰宇記云滄浪水在均州鄖鄉縣即漁父棹歌處

○音釋云漳澨見宣公四年遠澨見昭公二十三年

為北江入于海漾水名水經曰漾水出隴西郡氐道縣嶓冢山東至武都常璩曰漢水有兩源此東源也即禹貢所謂嶓冢導漾者其西源出隴西嶓冢山會泉始源曰沔逕葭萌入漢東源在今西縣之西西源在今三泉縣之東也酈道元謂東西兩川俱出嶓冢而同為漢水者是也水源發于嶓冢為漾至武都為漢又東流為滄浪之水酈道元云武都縣北四十里漢水中有洲曰滄浪洲水曰滄浪水是也蓋水之經歷隨地得名謂之為者明非他水也三澨水名今郢州長壽縣磨石山發源東南流者名澨水至復州景陵縣界來又名汶水疑即三澨之一然據左傳漳澨遠澨則為水際未可曉也大別見導山入江在今漢陽軍漢陽縣匯也彭蠡見揚州北江未詳入海在今通州靜海縣

○音釋云：賴以章貢，二水合流名州。

○今按彭蠡古今記載皆謂今之番陽然其澤在江之南去漢水入江之處已七百餘里所蓄之水則合饒信徽撫吉贛南安建昌臨江袁筠隆興南康數州之流非自漢入而為匯者又其入江之處西則廬阜東則湖口皆石山峙立水道狹甚不應漢水入江之後七百餘里乃橫截而南入于番陽又橫截而北流為北江且番陽合數州之流豬而為澤泛溢壅遏初無仰於江漢之匯而後成也不惟無所仰於江漢而眾流之積自過月高勢亦不復容江漢之來入矣今湖口橫渡之處其北則江漢之濁流其南則番陽之清漲不見所謂漢水匯澤而為彭蠡者番陽之水既出湖口則依南岸與大江相持以東又不見所謂橫截而為北江者又以經文考之則今之彭蠡既在大江之南於經則宜曰南匯彭蠡

不應曰東匯於導江則宜曰南會于匯不應曰北會于匯匯既在江之南於經則宜曰北為北江不應曰東為北江以今地望參校絕為反戾今廬江之北有所謂巢湖者湖大而源淺每歲四五月間蜀嶺雪消大江泛溢之時水淤入湖至七八月大江水落湖水方洩隨江以東為合東匯北匯之文然番陽之湖方五六百里不應舍此而錄彼記其小而遺其大也蓋嘗以事理情勢考之洪水之患惟河為甚意當時龍門九河等處事急民困勢重役煩禹親莅而身督之若江淮則地偏水急不待疏鑿固已通行或分遣官屬往視亦可况洞庭彭蠡之間乃三苗所居水澤山林深昧不測彼方負其險阻頑不即工則官屬之往者亦未必遽敢深入是以但知彭蠡之為澤而不知其非漢水所匯但意如巢湖江水之

○音釋云：巢本作漢，廣韻音于小反，漢書註在廬江合肥縣。

於而不知彭蠡之源為甚衆也。以此致誤謂之為匯。謂之北江。無足怪者。然則番陽之為彭蠡信矣。

△岷山導江東別為沱又東至于澧過九江

至于東陵東迤北會為匯東為中江入于海

沱江之別流於梁者也。澧水名。水經出武陵沅縣。西至長沙下雋縣。西北入江。鄭氏曰。經言道言會者。水也。言至者。或山或澤也。澧宜山澤之名。按下文九江。澧水既與其一。則非水明矣。九江見荆州東陵。巴陵也。今岳州巴陵縣也。地志在蘆江西北者。非是。會匯中江見上章。

△導沅水東流為濟入于河溢為滎東出于

陶丘北又東至于蒗又東北會于汶又北東

入于海

濟水也。發源為沅。既東為濟。地東南。今絳州垣曲縣山也。始發源王屋山頂崖下。曰沅水。既見而伏。東出於今孟州濟源縣。二源東源周迴七百步。其深不測。西源周迴六百八十五步。其深一丈。合流至溫縣。是為濟水。歷號公臺。西南入于河。溢滿也。復出河之南。溢而為滎。滎即滎波之滎。見豫州。又東出於陶丘。北陶丘地名。再成曰陶。在今廣濟軍西。又東至于蒗。蒗即蒗澤。亦見豫州。謂之至者。濟陰縣自有蒗派。濟流至其地。爾汶北汶也。見青州。又東北至于東平府壽張縣安民亭。合汶水至。今青州博興縣入海。唐李賢謂濟自鄭以東。貫滑曹鄆濟齊青。以入于

△音釋云溫縣屬河內郡

○旁通云號公臺在孟州溫縣俗名質酒臺

○爾雅疏云丘形上有兩丘相重累者名陶丘

○音釋云李賢高宗章懷太子註後漢書滑州以滑臺得名秦東郡也

○音釋云按孔傳云濟水入河並流十數里而南截河又並流數里溢為滎澤在敖倉東南孔疏云以濟清河濁辨之也孔傳所載詳悉必其當時所見如此

海本朝樂史謂今東平濟南淄川北海界中有水流入海謂之清河酈道元謂濟水當王莽之世川瀆枯竭其後水流逕通津渠勢改尋梁脉水不與昔同然則滎澤濟河雖枯而濟水未嘗絕流也程氏曰滎水之為濟本無他義濟之入河適會河滿溢出南岸溢出者非濟水因濟而溢故禹還以元名命之按程氏言溢之一字固為有理然出於河南者既非濟水則禹不應以河枝流而冒稱為濟蓋溢者指滎而言非指河也且河濁而滎清則滎之水非河之溢明矣况經所書單立導流條例若斷若續而實有源流或見或伏而脉絡可考先儒皆以濟水性下勁疾故能入河穴地流注顯伏南豐曾氏齊州二堂記云泰山之北與齊之東南諸谷之水西北匯于黑水之灣又西北匯于栢崖之灣而至于渴馬

○音釋云泊安靜也  
鉤突上音利足擊聲  
下陀沒反

○春秋桓公十八年  
會齊侯于濼註云水  
出濟南歷城縣西北  
入濟陸音盧篤反又  
力各反又音洛

之崖蓋水之來也衆其北折而西也悍疾尤甚及至于崖下則泊然而止而自崖以北至于歷城之西蓋五十里而有泉湧出高或致數尺其旁之人名之曰鉤突之泉齊人皆謂嘗有棄糠於黑水之灣者而見之於此蓋泉自渴馬之崖潛流地中而至此復出也其注而北則謂之濼水達于清河以入于海舟之通於濟者皆於是乎達也齊多甘泉其顯名者十數而色味皆同以余驗之蓋皆濼水之旁出者也然則水之伏流地中固多有之矣獨於滎澤疑哉吳興沈氏亦言古說濟水伏流地中今歷下凡發地皆是流水世謂濟水經過其下東阿亦濟所經取其井水煮膠謂之阿膠用攪濁水則清人服之下膈疏痰蓋其水性趨下清而重故也濟水伏流絕河乃其物性之常事理之著者程氏非之顧弗深考耳

△導淮自桐栢東會于泗沂東入于海水經云淮

水出南陽平氏縣胎簪山禹只自桐栢導之耳桐栢見導山泗沂見徐州沂入于泗泗入于淮此言會者以二水相敵故也入海在今淮浦

△導渭自鳥鼠同穴東會于澧又東會于涇

又東過漆沮入于河同穴山名地志云鳥鼠

並見雍州孔氏曰鳥鼠共為雌雄同穴而處其說怪誕不經不足信也酈道元云渭水出南谷山在鳥鼠山西北禹只自鳥鼠同穴導之耳

△導洛自熊耳東北會于澗瀍又東會于伊

△音釋云盧氏縣名屬弘農郡

又東北入于河熊耳盧氏之熊耳也餘並見

熊耳導之耳按經言嶓冢導漾岷山導江者漾之源出於嶓冢導河積石導淮自桐栢導渭而後言水也言導洛自熊耳皆非出於其山特自鳥鼠同穴導之耳故先言水而後言山也河不言自者河源多伏流積石其見處故言積石而不言自也洸水不言山者洸水伏流其出非一故不誌其源也弱水黑水不言山者九州之外蓋略之也小水合大水謂之入大水水合小水謂之過二水勢均相入謂之會天下之水莫大於河故於河不言

△九州攸同四隩既宅九山刊旅九川滌源

△音釋云隩於六於倒二反隈厓也

○音釋云槎斫木也

△旁通云周禮註云十二土分野十二邪各有所宜也  
○同云致當作教註云壤亦土也以萬物自生則高土以人所耕而樹藝則言壤  
○音釋云土宜周禮註十二邪土各有所宜也壤亦土也變言耳

九澤既陂四海會同

九澤既陂四海會同。水為隩波障也會同與  
離沮會同同義四海之隩水涯之地已可奠  
居九州之山槎木通道已可祭告九州之川  
濬滌泉源而無壅遏九州之澤已有所歸而  
無決潰四海之水無不會同而各有所歸此  
蓋總結上文言九州四海水土無不平治也  
△六府孔修庶土交正底慎財賦咸則三壤  
成賦中邦也土者財之自生謂之庶土則非  
特穀上也庶土有等當以肥瘠高下名物交  
相正焉以任土事底致也因庶土所出之財  
而致謹其財賦之入如周大司徒以土宜之  
法辨十有二土之名物以任土事之類咸皆  
也則品節之也九州穀土又皆品節之以上

△左傳隱公八年云天子建德因生以賜姓昨之士而命之氏註云天子立有德以為諸侯因其所由生以賜姓若舜由媯汭而生以陳為媯姓報之以土地因其所封名為之族氏若胡公封於陳命曰陳氏也

○音釋云昨存故反說文云祭福肉也昨之士者言分太社之土以與諸侯如分祭肉也

中下三等如周大司徒辨十有二壤之名物以致稼穡之類中邦中國也蓋土賦或及於四夷而田賦則止於中國而已故曰成賦中邦  
△錫土姓錫土姓者言錫之士以立國錫之生以賜姓昨之士而命之氏者也

△祗台德先不距朕行台我距違也禹平水已定功已成矣當此之時惟敬德以先天下則天下自不能違越我之所行也

△五百里甸服百里賦納總二百里納銍三百里納結服四百里粟五百里米甸服畿內之地也甸

○音釋云總字當作秘禾聚束也銍說文

甸服畿內之地也甸

獲禾短錄也以鉦獲  
禾即以充賦因謂之  
鉦小爾雅云禾穗謂  
之穎截穎謂之鉦  
服役也於結言之指前  
總鉦二者也

○通考云蘇氏曰獨  
言甸服之賦內詳王  
賦之法而諸侯可推  
也

侯諸侯之地又侯侯也  
為天子所侯而服也  
履軒曰采雖在侯服  
而亦近甸服以其為王  
朝卿大夫采邑

△音釋云漢刑法志  
註采官也因官食地  
故曰采此言天子之卿大夫也

綏安也安王者政教而  
服也

△音釋云介間斷也  
漢書介居河北

要末要約之義自天  
子要約而服也

△左傳定公四年云  
殺管叔而蔡蔡叔杜  
註云蔡放也

田服事也以皆田賦之事故謂之甸服五百  
里者王城之外四面皆五百里也禾本全曰  
總刈禾曰鉦半藁也半藁去皮曰結謂之服  
者三百里內去王城為近非惟納總鉦結而  
又使之服輸將之事也獨於結言之者總前  
二者而言也粟穀也內百里為最近故并禾  
本總賦之外百里次之只刈禾半藁納也外  
百里又次之去藁麤皮納也外百里為遠去  
其穗而納穀外百里為尤遠去其穀而納米  
蓋量其地之遠近而為納賦之輕重精  
麤也此分甸服五百里而為五等者也

△五百里侯服百里采二百里男邦三百里  
諸侯侯服者侯國之服甸服外四面又各五  
百里也采者卿大夫邑地男邦男爵小  
國也諸侯諸侯之爵大國次國也先小國而

後大國者大可以禦外侮小得以安內  
附也此分侯服五百里而為三等也

△五百里綏服三百里揆文教二百里奮武

衛綏安也謂之綏者漸遠王畿而取撫安之  
義侯服外四面又各五百里也揆度也綏  
服內取王城千里外取荒服千里介於內外  
之間故以內三百里揆文教外二百里奮武  
衛文以治內武以治外聖人所以嚴華夏之  
辨者如此此分綏服五百里而為二等也

△五百里要服三百里夷二百里蔡要服去  
遠皆夷狄之地其文法略於中國謂之要者  
取要約之義特羈縻之而已綏服外四面又  
各五百里也蔡放也左傳云蔡蔡叔是也流  
放罪人於此也此分要服五百里而為二等也





△堯典云師錫帝曰云

△周禮大司馬云中春教振旅以教坐作進退疾徐疏數之節

○書有六體 典謨訓誥誓命也

○左傳杜預註云觀國今頓丘衛縣姚卬二國商諸侯卬今下邳徐奄三國皆嬴姓

效焉故謂之教上言五服之制此言聲教所及蓋法制有限而教化無窮也錫與師錫之錫同水土既平禹以玄圭為誓而告成功于舜也水色黑故圭以玄云

○甘誓

甘地名有扈氏國之南郊也在扶風郿縣誓與禹征苗之誓同義言其討叛伐罪之意嚴其坐作進退之節所以一衆志而起其怠也誓師于甘故以甘誓名篇書有六體誓其一也今文古文皆有○按有扈夏滅之唐孔氏因謂堯舜受禪啓獨繼爰以是服亦臆度之見耳左傳昭公元年趙孟曰虞有三苗夏有觀扈商有姚卬周有徐奄則有扈亦三苗徐奄之類也

先師曰書之文不可學也學則臨乎模擬近日龜井氏一派可以鑒矣然姚姁澤無涯周誥殷盤詰屈聳牙韓子既取以為規而其文閱肆如彼則要在學之如何耳

△周禮司馬法云每鄉萬二千五百家鄉十人長之

○又夏官司馬云凡制軍萬有一千五百人

人爲軍王六軍大國三軍次國二軍小國一軍軍將皆命卿

○孟子告子下篇云三不朝則六師移之

註云移之者誅其人而安置之也

大戰于甘乃召六卿

六卿六卿之卿也按周禮鄉大夫每鄉卿一人

六鄉六卿平居無事則各掌其鄉之政教禁令而屬於大司徒有事出征則各率其鄉之

一萬二千五百人而屬於大司馬所謂軍將皆卿者是也意夏制亦如此古者四方有變

專責之方伯方伯不能討然後天子親征之

天子之兵有征無戰今啓既親率六軍以出而又書大戰于甘則有扈之怙強稔惡敢與

天子抗衡豈特孟子所謂六師移之者書曰大戰蓋所以深著有扈不臣之罪而為天下後世諸侯之戒也

△王曰嗟六事之人予誓告汝

重其事故嗟歎而告之

事者非但六卿有事於六軍者皆是也

或曰... 莫重於... 三事... 不修... 以爲正

湯誓之文視此稍覺繁... 後來漢祖討項籍檄... 稍足核武

△有扈氏威侮五行怠棄三正天用勦絕其命今予惟恭行天之罰... 威暴殄之也侮輕忽... 死况於威侮之者乎... 正建寅怠棄者不用正朔也... 物輕忽不故廢棄正朔... 天用勦絕其命今我伐之惟敬行天之罰而已... 月正日亦所以正朔也... 丑之建唐虞之前當已有之... △左不攻于左汝不恭命右不攻于右汝不恭命御非其馬之正汝不恭命... 古者車戰之法甲士三人一居左以主射

△旁通云折馘折其左耳... 音釋云折馘斷首也... 散矢之善者

○孟子滕文公下篇... 註云說遇謂不正而與會遇也... 末一句凜然使人戰栗... 上古軍律之嚴可知

△禮記曾子問篇孔... 子曰天子巡狩以遷... 廟主行... 疏云遷廟... 主新遷廟主也... ○左傳宣公四年文

居右以主擊刺御者居中以主馬之馳驅也... 左傳宣公十二年楚許伯御樂伯攝叔爲右... 以致晉師樂伯曰吾聞致師者左射以取是... 車左主射也攝叔曰吾聞致師者右入壘折... 馘執俘而還是車右主擊刺也御非其馬之... 正猶王良所謂詭遇也蓋左右不治其事與... 御非其馬之正皆足以致敗故各指其人... 以責其事而欲各盡其職而不敢忽也... △用命賞于祖不用命戮于社予則孥戮汝... 戮殺也禮曰天子巡狩以遷廟主行左傳軍... 行被社爨鼓然則天子親征必載其遷廟之... 主與其社主以行以示賞戮之不敢專也祖... 左陽也故賞于祖社右陰也故戮于社孥子... 也孥戮與上戮字同義言若不用命不但戮... 及汝身將併汝妻子而戮之戰危事也不重

○禮記云建國之神  
位右社稷而左宗廟

○周禮司厲云其奴  
男子入于罪隸女子  
入于春臺註謂坐為  
盜賊而為奴者輸於  
罪隸春人稟人之官  
也

△太康啓之子好耽  
獵十旬不反五子作  
歌

○益稷云帝庸作歌  
曰云云乃歌曰股肱  
喜哉元首起哉百工  
熙哉

其法則無以整肅其衆而使赴功也或曰戮  
辱也擗戮猶秋官司厲擗男子以為罪隸之  
擗苦古人以辱為戮謂戮辱之以為擗耳古者  
罰弗及嗣擗戮之刑非三代之所宜有也按  
此說固為有理然以上句考之不應一戮而  
二義蓋罰弗及嗣者常刑也予則擗戮者非  
常刑也常刑則愛克厥威非常刑則威克厥  
愛盤庚遷都尚有劓殄滅之無遺育之語則  
啓之誓師豈為過哉

○五子之歌

五子太康之弟也歌與帝  
舜作歌之歌同義今文無

古文此及  
有

太康尸位以逸豫滅厥德黎民咸貳乃盤遊

△孟子梁惠王下篇  
有之

△左傳襄公四年云  
魏絳曰昔夏之方衰  
也后羿自銀丘于窮  
石因夏民以代夏政

無度畋于有洛之表十旬弗反

太康啓之子  
尸如祭祀之

尸謂居其位而不為其事如古人所謂尸祿  
尸官者也豫樂也夏諺曰吾王不遊吾何以  
休吾王不豫吾何以助一遊一豫為諸侯度  
夏之先王非不遊豫蓋有其節皆所以為民  
非若太康以逸豫而滅其德也民咸貳心而  
太康猶不知悔乃安於遊畋之無度言其遠  
則至于洛水之南言其久則十旬  
而弗反是則太康自棄其國矣

△有窮后羿因民弗忍距于河

窮國名羿窮  
國君之名也

或曰羿善射者之名賈逵說文羿帝嚳射官  
故其後善射者皆謂之羿有窮之君亦善射  
故以羿目之也羿因民不堪命距  
太康于河北使不得返遂廢之

少序亦自錯落可誦

△孟子告子下篇有之

○旁通云二百五篇之詩

△厥弟五人御其母以從御侍也于洛之汭五子

咸怨述大禹之戒以作歌御侍也怨如孟子所謂小弁之怨親

親也小弁之詩父子之怨五子之歌兄弟之怨親之過大而不可救

社稷危亡之不可救母子兄弟離散之不可

推其亡國敗家之由皆原於荒棄皇祖之訓

雖其五章之間非盡述皇祖之戒然其先後

終始互相發明史臣以其作歌之意序於五

章之首後世序詩者每篇皆有小序以言其

作詩之義其原蓋出諸此

△其一曰皇祖有訓民可近不可下民惟邦

之本固邦寧此禹之訓也皇大也君之與民

之不侔以情而言則相須以安猶身體之相

資以生也故勢疎則離情親則合以其親故

謂之近以其疎故謂之下言其可親而不可

疎之也且民者國之本本固而後國安本既

不固則雖強如秦富如隋終亦滅亡而已矣

其一其二或長幼之序或作歌之序不可知也

△予視天下愚夫愚婦一能勝予一人三失

怨豈在明不見是圖予臨兆民凜乎若朽索

之馭六馬為人上者奈何不敬音御○予五

子自稱也君失人心則為獨夫獨夫則愚夫

愚婦一能勝我矣三失者言所失衆也民心

忽見如古色可掬及摩

以此法得之

△音釋云馭與御同

怨背豈待其彰著而後知之當於事幾未形之時而圖之也朽腐也朽索易絕六馬易驚朽索固非可以馭馬也以喻其危懼可畏之甚為人上者奈何而不敬乎前既引禹之訓言此則以己之不足待民之可畏者申結其義也

△其二曰訓有之內作色荒外作禽荒其酒嗜音峻宇彫牆有一於此未或不亡此亦禹色荒惑嬖寵也禽荒耽遊畋也荒者迷亂之謂也嗜音皆無厭也峻高大也宇棟宇也彫繪飾也言六者有其一皆足以致滅亡也禹之訓昭明如此而太康獨不念之乎此章首尾意義已明故不復申結之也

△旁通彙萃記云帝堯始封於唐在太原郡平晉縣北二里有故唐城堯所築也及為天子都平陽平陽即太原詳說云堯都平陽舜都蒲坂禹都安邑相去不盈二百里皆在冀州

○左傳哀公六年有之

△周禮天官云一曰治典二曰教典三曰禮典四曰政典五曰刑典六曰事典又云八則治都鄙一曰祭

△其三曰惟彼陶唐有此冀方今失厥道亂其紀綱乃底滅亡堯初為唐侯後為天子都禹皆都冀州言冀方者舉中以包外也大者為綱小者為紀底致也堯舜禹相授一道以有天下今太康失其道而紊亂其紀綱以致滅亡也○又按左氏所引惟彼陶唐之下有帥彼天常一語厥道作其行乃底滅亡作乃滅而亡

△其四曰明明我祖萬邦之君有典有則貽厥子孫關石和鈞王府則有荒墜厥緒覆宗絕祀明明明明而又明也我祖禹也曲猶周之六典則猶周之八則所以治天下之典

祀二曰法則三曰廢  
置四曰祿世五日賦  
貢六曰禮俗七日刑  
賞八曰田役  
○旁通云五權者銖  
兩介鈞石也黃鍾律  
管容千二百黍重十  
二銖兩之為兩故一  
兩重二十四銖十六  
兩為斤二十九為鈞  
四鈞為石

○同云又按法度之  
制見前漢書律歷志  
權與物鈞者孟康云  
謂鍾與物鈞所稱適  
停則衡平也繩直生  
準者韋昭云立準以  
望繩以承為平也矩繩權衡謂之五則此法度之所以自出也  
先師曰自履所之說起世深指於古文者鮮矣然品中燭肉非無一種風味錄此備  
一敬亦汲古之一助云

章法度也貽遺關通和乎也百二十斤為石  
三十斤為鈞鈞與石五權之最重者也關通  
以見彼此通同無折閱之意和平以見人情  
兩平無乖忤之意言禹以明明之德君臨天  
下典則法度所以貽後世者如此至於鈞石  
之設所以二天下之輕重而立民信者王  
亦有不之其為子孫後世慮可謂詳且遠矣奈  
何太康荒墜其緒覆其宗而絕其祀乎○又  
按法度之制始於權權與物鈞而生衡衡運  
生規規圓生矩矩方生繩繩直生準是權衡  
者又法度之所自出也故以鈞石言之

△其五曰嗚呼曷歸子懷之悲萬姓仇子子  
將疇依鬱陶乎子心顏厚有怛怛弗慎厥德

雖悔可追 怛女六反怛女夷反○曷何也嗚  
呼曷歸歎息無地之可歸也子將  
疇依彷徨無人之可依也為君至此亦可哀  
矣仇子之子指太康也指太康而謂之子者  
不忍斥言忠厚之至也鬱陶哀思也顏厚愧  
之見於色也怛怛愧之發  
於心也可追言不可追也

○胤征 胤國名孟子曰征者上伐下也  
夏中衰之運拜執國政社稷安危在  
其掌握而仲康能命胤侯以掌六師  
胤侯能承仲康以討有罪是雖未能  
行拜不道之誅明義和黨惡之罪然  
當國命中絕之際而能舉師伐罪猶  
為禮樂征伐之自天子出也夫子所  
以錄其書者以是數今文無古文有

△孟子盡心下篇云  
征者上伐下也敵國  
不相征也註云征所  
以正人也諸侯有罪  
則天子討而正之

△旁通云經世書以  
征義和為仲康元年  
事則是即位之次年  
也古者逾年改元

○或曰蘇氏以為義和貳於羿忠於  
夏者故羿假仲康之命命胤侯征之  
今按篇首言仲康肇位四海胤侯命  
掌六師又曰胤侯承王命徂征詳其  
文意蓋史臣善仲康能命將遣師胤  
侯能承命致討未見貳仲康不能制  
命而罪胤侯之為專征也若果為篡  
羿之書則亂臣賊子所為  
孔子亦取之為後世法乎

惟仲康肇位四海胤侯命掌六師義和廢厥  
職酒荒于厥邑胤后承王命徂征仲康太康  
胤侯  
胤國之侯命掌六師命為大司馬也仲康始  
即位即命胤侯以掌六師次年方有征義和  
之命必本始而言者蓋史臣善仲康肇位之

○左傳註云禹孫太康淫放失國夏人立其弟仲康子子相立羿遂代相

○旁通云漢高后崩  
呂祿呂產欲作亂絳  
侯周勃誅之太臣迎  
立代王王至代邸即  
天子位是為文帝其  
夕入未央宮夜拜宋  
昌為衛將軍鎮撫南  
北軍云

王耕野曰聖有謨訓至  
邦有常刑是先引格例

時已能收其兵權故義和之征猶能自天子  
出也林氏曰羿廢太康而立仲康然其篡也  
乃在相之世仲康不為羿所篡至其子相然  
後見篡是則仲康猶有以制之也羿之立仲  
康也方將執其禮樂征伐之權以號令天下  
而仲康即位之始即能命胤侯掌六師以收  
其兵權如漢文帝入自代邸即皇帝位夜拜  
宋昌為衛將軍鎮撫南北軍之類義和之罪  
雖曰沉亂于酒然黨惡於羿同惡相濟故胤  
侯承王命徂征之以前羿羽翼故終仲康之  
世羿不得以逞使仲康盡失其權則羿之篡  
夏豈待相而後敢耶義和氏夏合為一官  
曰胤后者諸侯入為王朝公  
卿如禹稷伯夷謂之後也

△告于衆曰嗟子有衆聖有謨訓明徵定保



△音釋云。微知陵反。此字無證音。以避宋諱。代之耳。

先王克謹天戒。臣人克有常憲。百官脩輔厥后。惟明明。徵音澄。○徵驗。保安也。聖人謨訓。即謨訓之語。天戒。日蝕之類。謹者。恐懼修省。以消變異也。常憲者。奉法修職。以供乃事也。君能謹天戒於上。臣能有常憲於下。百官之衆。各修其職。以輔其君。故君內無失德。外無失政。此其所以為明明后也。又按日蝕者。君弱。臣強之象。后昇專政之戒也。義和掌日月之官。黨昇而不言。是可救乎。

△每歲孟春。適人以木鐸。狗于路。官師相規。工執藝事。以諫其或不恭。邦有常刑。適。送秋。反。鐸。達。

王耕野曰。其或不恭。謂君也。若專以諫君為恭。則義知非以不恭君為受伐。

△旁通云。非師保之師。如策以太夫師長之師。

○孟子離婁上篇云。故曰責難於君。謂之恭。陳善閉邪。謂之敬。

各反。○適人。宣令之官。木鐸。金口木舌。施政教時。振以警衆也。周禮小宰之職。正歲師治官之屬。狗以木鐸。曰不用法者。國有常刑。亦此意也。官以職言。師以道言。規正也。相規云者。胥教誨也。工百工也。百工技藝之事。至理存焉。理無往而不在。故言無微而可略也。孟子曰。責難於君。謂之恭。官師百工。不能規諫。是謂不恭。不恭之罪。猶有常刑。而况於畔官。離次。倣擾。天紀者乎。

△惟時義和顛覆厥德。沈亂于酒。畔官離次。倣擾天紀。遐棄厥司。乃季秋月朔。辰弗集于房。瞽奏鼓。嗇夫馳。庶人走。義和尸厥官。罔聞。

先時  
天象  
殺也

△旁通云政典玩其辭意真並軍旅之辭  
○音釋云日蝕在五  
年征義和而此引唐  
志又云五年方日蝕  
然以經文肇位二字  
觀之當從前說經世  
書亦云次年

○左傳莊公二十五年云夏六月辛未朔日有食之鼓用牲于社非常也唯正月之朔慝未作日有食之於是乎用幣于社伐鼓于朝註云正月正陽之月夏之四月也

○周禮庭氏掌射國中之禾鳥若不見其鳥獸則以救日之弓與月之矢夜射之註云日月之食暎陽相勝之變也於日食則射太陰月食則射太陽

知昏迷于天象以于先王之誅政典曰先時者殺無赦不及時者殺無赦  
官則亂其所治之職離次則舍其所居之位  
後始擾亂也天紀則洪範所謂歲月日星辰曆數是也蓋自堯舜命羲和曆象日月星辰之後為羲和者世守其職未嘗紊亂至是始亂其天紀焉遐遠也遠棄其所司之事也辰日月會次之名房所次之宿也集漢書作輯集輯通用言日月會次不相和輯而掩蝕於房宿也按唐志日蝕在仲康即位之五年警樂官以其無目而審於音也奏進也古者日蝕則伐鼓用幣以救之春秋傳曰惟正陽之月則然餘則否今季秋而行此禮夏禮與周異也嗇夫小臣也漢有上林嗇夫庶人庶人之在官者周禮庭氏救日之弓矢嗇夫庶人蓋供救日之百役者日馳日走者以見日蝕之變天子恐懼于上嗇夫庶人奔走于下以助救日如此其急義和為曆象之官尸居其位若無聞知則其昏迷天象以于先王之誅豈特不恭之刑而已哉政典先王政治之典籍也先時後時皆違制失時當誅而不赦者也今日蝕之變如此而羲和罔聞知是固下先王後時之誅矣

△今予以爾有眾奉將天罰爾眾士同力王室尚弼予欽承天子威命  
將行也我以爾眾同力王室庶幾輔我以敬承天子之威命也蓋天子討而不伐諸侯伐而不討仲康之命

△左傳文公四年云  
竊武子曰諸侯敵王  
所積而獻其功註云  
敵猶當也愾恨怒也

亂侯得天子討罪之權亂侯之征義和得諸  
侯敵愾之義其辭直其義明非若五霸樓諸  
侯以伐諸侯其  
辭曲其義迂也

△火炎崑岡玉石俱焚天吏逸德烈于猛火

殲厥渠魁管從罔治舊染汙俗咸與惟新  
廉反○崑出玉山名岡山春也逸過渠大也  
言火炎崑岡不辨玉石之美惡而焚之苟為  
天吏而有過逸之德不擇人之善惡而裁之  
其害有甚於猛火不辨玉石也今我但誅首  
惡之魁而已脅從之黨則罔治之舊染汙俗  
之人亦皆赦而新之其誅惡宥善是猶土者  
之師也今按亂征始稱義和之罪止以其時  
官離次做擾天紀至是有脅從舊染之語則

知義和之罪當不止於廢時亂日是必聚不  
逞之人崇飲私邑以為亂黨助弄為惡者也  
亂后徂征隱其叛逆而不言者蓋正名其罪  
則必鋤根除源而仲康之勢有未足以制后  
弄者故止責其曠職之罪  
而實誅其不臣之心也

△嗚呼威克厥愛允濟愛克厥威允罔功其

爾衆士懋戒哉  
威者嚴明之謂愛者姑息之  
謂記曰軍旅主威蓋軍法不

可以不嚴嚴明勝則信其事之必濟姑息勝  
則信其功之無成誓師之末而復嗟歎以是  
深警之欲其勉力  
戒懼而用命也

王構野曰懋是勉其所當勉如威克愛之類威是成其所  
當戒如愛克威之類

△禮記檀弓篇云細  
人之愛入也以姑息  
云  
○同以儀云賓客主  
衆祭祀主敬喪事主  
哀會同主誦軍旅思  
險云

